

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 52. stav 1. tačka 2. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), a u vezi sa članom 3. i 8. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i članom 4. Uredbe o Stručnoj službi Zeničko-dobojskog kantona („Službene novine Zeničko-dobojskog kantona“, broj: 13/06), na prijedlog Stručne službe Vlade, Vlada Zeničko-dobojskog kantona, na 164. sjednici, održanoj dana 05.10.2018. godine, d o n o s i

ZAKLJUČAK

o davanju saglasnosti na Pravilnik o izmjenama Pravilnika o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona

I.

Daje se saglasnost na Pravilnik o izmjenama Pravilnika o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona, broj: broj: 02-1-34-3797-1/13 od 27.09.2018. godine.

II.

Zadužuje se rukovodilac Stručne službe Vlade Zeničko-dobojskog kantona da ovjeri tri primjerka Pravilnika o izmjenama Pravilnika o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona iz tačka I. ovog zaključka, nakon čega će po jedan primjerak dostaviti Sekretarijatu za zakonodavstvo i Ministarstvu za pravosuđe i upravu, a jedan primjerak ostaje Stručnoj službi Vlade Zeničko-dobojskog kantona.

III.

Zaključak stupa na snagu danom donošenja.

Broj: 02-_____ /18.

Datum, 05.10.2018. godine

Zenica

PREMIJER

Miralem Galijašević

DOSTAVLJENO:

1x Stručna služba Vlade Zeničko-dobojskog kantona,

1x Sekretarijat za zakonodavstvo,

1x Ministarstvo za pravosuđe i upravu,

1x a/a.

Na osnovu člana člana 52. stav 1. tačka 2. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), a u vezi sa članom 3. i 8. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) i člana 4. Uredbe o Stručnoj službi Vlade Zeničko-dobojskog kantona („Službene novine Zeničko-dobojskog kantona“, broj: 13/06), sekretar Vlade po ovlaštenju, donosi

Pravilnik

o izmjenama Pravilnika o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona

Član 1.

(Izmjena člana 7.)

U Pravilniku o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona, broj: 02-1-34-3797/13 od 14.02.2013. godine, u članu 7. (Sekretar Vlade) stav (2) tačka a) mijenja se i glasi:

„VSS-VII stepen stručne spreme, odnosno visoko obrazovanje prvog, drugog i trećeg ciklusa Bolonjskog sistema studiranja koje se vrednuje sa najmanje 240 ECTS bodova, pravne i upravne struke“.

Član 2.

(Izmjena člana 9.)

U članu 9. (Pomoćnik sekretara) stav (2) tačka a) mijenja se i glasi:

„VSS-VII stepen stručne spreme, odnosno visoko obrazovanje prvog, drugog i trećeg ciklusa Bolonjskog sistema studiranja koje se vrednuje sa najmanje 240 ECTS bodova, pravne i upravne struke“.

Član 3.

(Izmjena člana 10.)

U članu 10. (Stručni savjetnik za ekonomsko-analiitičke poslove) stav (2) tačka a) mijenja se i glasi:

„VSS-VII stepen stručne spreme, odnosno visoko obrazovanje prvog, drugog i trećeg ciklusa Bolonjskog sistema studiranja koje se vrednuje sa najmanje 240 ECTS bodova ekonomske struke“.

Član 4.

(Izmjena člana 13.)

U članu 13. (Pomoćnik sekretara) stav (2) tačka a) mijenja se i glasi:

„VSS-VII stepen stručne spreme, odnosno visoko obrazovanje prvog, drugog i trećeg ciklusa Bolonjskog sistema studiranja koje se vrednuje sa najmanje 240 ECTS bodova društvenog smjera“.

Član 5.

(Izmjena člana 16.)

U članu 16. (Stručni savjetnik za planiranje, razvoj i implementaciju informacionog sistema) stav (2) tačka a) mijenja se i glasi:

„VSS-VII stepen stručne spreme, odnosno visoko obrazovanje prvog, drugog i trećeg ciklusa Bolonjskog sistema studiranja koje se vrednuje sa najmanje 240 ECTS bodova mašinske, elektrotehničke ili informatičke struke“.

Član 6.
(Stupanje na snagu)

Ovaj pravilnik stupa na snagu danom davanja saglasnosti Vlade Zeničko-dobojskog kantona na isti.

Broj: 02-1-34-3797-1/13
Datum, 27.09.2018. godine
Z e n i c a

SEKRETAR
PO OVLAŠTENJU

Haris Hrgić

Na ovaj pravilnik data je saglasnost Vlade Zeničko-dobojskog kantona, Zaključkom, broj:
_____/18 od __.__.2018. godine

SEKRETAR
PO OVLAŠTENJU

Haris Hrgić

O b r a z l o ž e n j e

Pravni osnov

Pravni osnov za donošenje Pravilnika o izmjenama Pravilnika o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona sadržan je u slijedećim propisima:

- član 52. stav 1. tačka 2. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), kojim je propisano da Pravilnik o unutrašnjoj organizaciji organa i organizacija iz stava 1. člana 51. ovog Zakona donosi rukovodilac kantonalnog organa uprave, odnosno kantonalne upravne organizacije, uz saglasnost vlade kantona;
- član 3. i 8. Uredbe o načelima za utvrđivanje unutrašnje organizacije kantonalnih i općinskih organa uprave i upravnih organizacija („Službene novine Zeničko-dobojskog kantona“, broj: 8/06) kojom je propisano da se unutrašnja organizacija organa uprave utvrđuje pravilnikom o unutrašnjoj organizaciji po postupku i uvjetima utvrđenim zakonom i ovom uredbom i
- član 4. Uredbe o Stručnoj službi Zeničko-dobojskog kantona („Službene novine Zeničko-dobojskog kantona“, broj: 13/06) kojim je propisano da se unutrašnja organizacija Stručne službe Vlade utvrđuje Pravilnikom o unutrašnjoj organizaciji kojeg donosi sekretar Vlade, uz saglasnost Vlade.

Razlozi donošenja

Pravilnik o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona je donesen uz saglasnost Vlade Zeničko-dobojskog kantona 07.03.2013. godine, njegove izmjene u dijelu „posebni uslovi“ za pojedina radna mjesta se predlažu zbog usklađivanja sa izmjenama i dopunama Uredbe o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa. S obzirom da na JU Univerzitetu Zenici, postoje fakulteti na kojima se završetkom prvog ciklusa Bolonjskog sistema studiranja (4+1) dobijaju 240 ECTS bodovi, potrebno je izvršiti izmjenu u posebnim uslovima za pojedina radna mjesta u Pravilniku o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona na način da se dodaje i prvi ciklus Bolonjskog sistema studiranja, kao i kod radnih mjesta koji obavljaju normativno-pravne poslove osim prve struke dodati i upravnu. Ovim izmjenama Pravilnika se ne povećava broj radnih mjesta ili izvršilaca niti zadire u prava i obaveze postojećih uposlenika Stručne službe Vlade Zeničko-dobojskog kantona.

Finansijska sredstva

Predložene izmjene Pravilnika o dopunama Pravilnika o unutrašnjoj organizaciji i sistematizaciji radnih mjesta Stručne službe Vlade Zeničko-dobojskog kantona ne iziskuju dodatna finansijska sredstva za plaće i naknade troškova zaposlenih.

**SEKRETAR
PO OVLAŠTENJU**

Haris Hrgić